



## Arrandschamaint

### Las OEE sustegnan la Commedia d'Origen

**Scuol** Daspö divers ons visitescha Origen cun sia Commedia plazzas cumünalas romanticas opür lejets da muntogna e üerts da chastels idillics. In lügl es l'Origen Commedia darcheu giast in Engiadina Bassa e maina il cuntschaint roman russ «Il maister e Margarita» da Michail Bulgakov sül palc.

Trais acturas ed ün musicist giovan numerusas rollas e sviluppan uschè üna cumedgia divertaivla chi quinta cun pitschens mezs da grondas chosas.

Las Ouvras Electricas d'Engiadina (OEE) sustegnan sco sponsur l'arran-

dschamaint ed eir l'intent dad Origen, da spordscher üna vasta schelta culturala eir illas regiuns. Las Ouvras Electricas d'Engiadina invidan perquai in lündeschdi, 9 lügl, la populaziun ad üna rapreschantaziun gratuita ed ün pitschen aperitiv a Scuol. L'arrandschamaint ha lö a las 19.30 illa sala cumünala da Scuol. Insembel cul intendand dad Origen, Giovanni Netzer, vain alura eir fat «viva» sül partenari da sponsur tanter las OEE ed Origen chi ha püdu gnir fixà pels prossems trais ons. (protr.)